

寓

蜀

草

寓蜀草卷三

七言絕句

濟南王培荀雪嶠

宮詞

賦長門悲團扇遂爲宮詞濫觴唐人宮辭愈多
亦愈盛玩其意大都才士不偶藉以抒其怨抑
非盡當日實事也王建花蕊夫人專工此體第
竊據一隅詞雖美亦不足重遼宋金元皆有歌
咏非徒掇拾細碎僻事於以驗主德之純疵國
家之治忽所關非淺矣夫行樂無方奢麗相耀
形管莫紀哀怨益增皆衰世之音也我 國家

聖聖相承規模宏遠至 宮禁深祕雖人居京師者亦
不能知况遠方下士乎顧

聖主動爲世法卽一二瑣事亦無不超越前代者文人
筆紀父老傳聞遐邇仰慕焉荀譚陋寡識隨所
見聞形爲謠諺第以宮詞標目歌咏

聖德與前代敘述宮禁事者不同管窺一星瞻仰欣幸
亦愚賤葵傾之情耳

長白龍蟠瑞靄飛千年王氣鬱崔巍 興京始創岐豐

業土築牆垣護紫微

長白山爲垣

本朝發祥地

興京更修示創業艱難

平旦宮門紫氣新歡呼活佛覲 楓宸祥雲自抱三江

轉早識東方有聖人

鴨綠混同愛濶名三江望氣者言
生聖人又達喇喇後爲西天大

善自在佛于太宗崇德七年同旺禪額爾德尼謂東
土聖人出遣使自無人之國數年達盛京進貢表

開基隻手挽陶鈞蒙古諸蕃盡畏神千載御容懸日

月龍顏鳳目人驚人

太祖畫像而日瑰
奇瞻仰者凜然敬畏

王姬歌咏比纓華下嫁諸藩禮有加貴主最難修婦職

自從開國誠宜家

太祖訓諸
公主盡婦道

神威絕世跨龍媒

太宗所御馬
名小白大白

崇德初元大業恢霹

慮雕弓藏玉府至今寶育不能開

太宗所用弓壯士
不能開箭長四尺餘

堯階禹室溯皇風草創艱難節儉同

興京盛京皆
太祖建那羨

燕都雙鳳闕夢遊曾到大明宮

太宗曾
夢至明宮

雄師百萬起遼東松杏山頭戰壘空堯母門中初誕

聖流虹繞電燭天紅

太宗攻克明杏山松山世祖生時紅光連夕燭天

冲年整旅入關中翦滅黃巾處紫宮

聖主開基超漢

祖親王輔政比周公

自古創業無如幼得統無如本朝之正世祖年

承平坐致自優游廣殿春晴聽乳鳩欲識民間耕稼重

螺紋染出烏犍牛

世祖幾餘載以指蕪墨螺紋印紙點染成牛甚妙

黃龍旗卷彩雲開手握神鎗大獵回

三眼神鎗聖祖刺虎物三十

六營屯虎豹

君王高坐晾鷹臺

大閱列三十六營帷殿設晾鷹臺

山莊避暑召薰風也與重華養志同一騎飛騰千里疾

新鮮菜蔬進瑤宮

避暑山莊聖祖駐驛每得新蔬馳送太后

宮中舊事說賢王獻策遷都卜築忙百萬金錢充作賦

於今避暑祇山莊

睿親王苦熱徵銀千百萬欲建都塞外及薨乃以銀抵天下賦

瑞景軒前乘御舟蕊珠宮接露華樓花開富貴眞天上

百種佳名聖祖畱

自淵鑿齋乘舟至瑞景軒蕊珠院露華樓多種牡丹花名皆聖祖親定

紫宮端合聖人呼佛果三生證瑞符山到五臺雲五色

雲中端坐見文殊

聖祖幸五臺山五色雲見中現文殊像

聖聖相承治道隆從來儉樸有遺風宮中不貴金蓮燭

行在焚膏取斷蓬

國初舊俗以糠和膏灌蓬梗名霞縵行宮設之以示無忘儉樸

蒼鷹俊鶻繫金鈴勁翮盤空側耳聽聞說貢來蝴蝶吳

從今不重海東青

國初外國貢蝴蝶能攫飛禽

蘇杭織造人宮門龍哀垂裳仰 至尊衣裏均裁高麗

布方知不尙綺羅新

皇上近身衣裏皆用高麗布

碧水溶溶太液池宮娥閒笑說神奇擊東玉碗盛朱果

忽憶天仙下降時

天女在長白山池浴吞朱果生子是爲 本朝發祥之始

碧琉璃滑繞宮牆鳳影參差出建章料得外閒翹首望

蓬萊宛在水中央

玉河水引入都城多繞宮苑

諸善張化盡守邊上自 文皇創業年共道通宵宮漏

靜能無烽火蓮甘泉

未入燕都蒙古俱投誠

廣殿藏書預立儲真人早定撫皇圖古今拘泥多貽誤

萬世傳賢仰

聖謨

本朝預定儲位書名藏正大光明殿檮中宮內亦祕有藏書

一自龍樓得進身五雲深處踏香塵御溝何必題紅葉

各賦天桃待好春

宮女按時放出未有愆期

院院無聲戶各扃春風微動護花鈴貂璫只供閒奔走

外事何由達內庭

內豎無得干政

談笑深宮說舊因姻緣會合賴皇仁長平花燭通宵

盛遠勝當年破鏡人

明懷宗長平公主鼎革後求入空門世祖不許詔與舊選周附馬

完婚

糜費後宮堪敵國從來節儉自君心常聽內監閒談事

省卻前朝百萬金

裁減明朝太監宮女之數宮中費漸減數十萬金

上聖慈仁本性生八齡言志語分明身登大寶無他好

但願同民樂太平

聖祖踐祚時始八歲 太皇太后問何欲對曰願天下治安生民樂業共

享太平之福

羣峯萬壑秀青蔥避暑山莊地氣融水裏蓮花籬畔菊

折來都插一瓶中

溧河水暖蓮未卸菊已開

西苑門前掉小舟瀛臺浩渺似瀛洲

君王欲講幽風

義宣召詞臣到御樓

內廷進講中使至南書房自西苑門掉舟自臺西入東邊樓下

宴列乾清喜氣融三籓底定萬方同

君王首唱昇平

曲歡樂何須歌大風

康熙二十一年以海宇蕩平大安於乾清宮號昇平嘉宴 上首唱

柘梁體羣臣廣續成篇 上自撰序文

祖宗家法世相承預教童年課日增纔到五更人正睡

隆宗門引碧紗燈

五更時阿哥已出隆宗門入學

萬壽昌期沛

特恩高年盡得謁君門
麗眉千叟排瓊

宴龍種全來捧玉樽

康熙乾隆兩開千叟宴皇子皇孫捧杯

五龍亭畔月華新
萬點鎧光聚萬民
總是昇平無一事

與人同樂過新春

康熙癸亥亭前放烟火聽民觀看

家法傳來有舊程
深宮分職各經營
銅籤夜夜聽更漏

聖駕朝回天未明

皇上秉燭視事

出關一路換征驂
從幸灤陽道素諳
莫怪年年來避暑

山川清麗似江南

灤陽有聖祖避暑山莊

宮禁森嚴內外分
九重天上護祥雲
皇恩獨厚勳臣

女詔入瑤華撫育勤孔有德殉難其女歸京都召入宮內撫養甚厚後嫁孫延齡

纔挽強弓便作文侵晨分習到夕曛 天家富貴生來

有卻比民間督課勤諸皇子讀書習弓馬無暇晷

六龍排駕自天來江浙行宮次第開聽說 君王親考

試幾回拔得揆天才南巡獻詩賦者考授中書賜舉人

天空水碧月光清 御苑樓前列炬迎錦簇三千人共

舞太平萬歲字分明上元圓明園樓前舞踏者三千人唱太平歌每週旋結成一字合成

太平萬歲

如雲如霧吸噓忙滿口氤氳滿頰香惟有宮中 天子

聖人閒烟火不曾嘗海內皆吸烟惟列聖無之

兩堤桃柳豔陽回水色山光 御帳來奉侍 鸞輿游

幸地西湖眞箇畫圖開

高宗奉 聖 母游西湖

至今神武說 高宗豹尾珠旂列幾重地上流星瞥眼

過古稀

天子御飛龍

高宗皇帝年逾七十飛控馳馬

雲漢文章射斗魁臣工那數馬班才 法宮餘暇無停

畧又把新詩課一回

仁宗皇帝日課一詩 御製集至二萬餘首

六龍海上駕鰲山百戲紛騰藝萬般引得 鸞旂穿路

過 九重天子奉

慈顏

純皇帝於 皇太后萬壽命 沿街扎燈百戲具備自海澱

還宮

分番校射度雍容八歲皇孫喜笑從破的籌多 天一

笑鵝黃馬褂沐恩濃

皇諸子多自幼善射皇孫綿某方八歲三射三中賜黃馬褂

御頂當冠樣絕殊光圓如月照金鋪珍奇何必搜南海

太液靈池獻寶珠

圓明園水上有光如星覆巨蚌得珠小大相連形似葫蘆高廟用爲朝

朝頂

銀箭無聲玉漏沈花陰徐轉鳳樓深遙聽爆竹繁音碎

一路香烟

聖駕臨

以銅絲結籠懸細爆竹上每過宮門爆竹聲先聞

皇

深宮勤學逮耄年乙夜金缸照簡編多少儒臣慚目力

重瞳不藉鏡光懸

純廟壽愈八十不帶眼鏡

豐亨猶自卻奇珍御用從來儉一身白髮宮人談舊事

上皇銅帶示廷臣

有陛見大臣帶解落地帶頭用玉純皇帝指腰間銅帶頭示之曰何如

寫

蜀

草

興

卷三

七言絕句

七

此物價賤而堅牢諸
臣聞之爭買於市矣

紅粧對對掃青蛾
人侍宮闈厭綺羅
爭說外閒風景異
曾隨 聖母渡黃河

高宗屢幸江浙奉
皇太后遊覽名勝

五代同堂喜慶聯嵩呼祝
聖遍垓埏編年六十符

皇祖頤養深宮又幾年
乾隆六十年以聖祖在位六
十一年不敢過乃傳位爲
太上皇古今盛事從來未有

誰得從容傍禁門遊觀
御苑亦 天恩流杯亭下風

尤好曲瀾浮花宴外藩

流杯亭 聖祖
題曲瀾浮花

海內安恬外寇平銘功碑版照寰瀛
文臣擬撰經營苦

御製千言頃刻成

高宗皇帝平伊犁碑數千
言從容揮毫五刻卽成

伶人審樂仰 宸聰呂律調和鳳管通解愠阜財親定

諧瑤琴一曲奏薰風

朱載堉樂律全書所載南風之詩參差清雅 皇上刪定以符元音

羣觀盛典頌無疆 御製新詩有和章何意蕃臣來海

外玉后親賜觀天光

皇上八旬萬壽外蕃麟集蒙恩手扈以賜陪臣恭和 御製詩

深宮端拱自延年玉液丹砂每妄傳惹得 天顏付一

笑秦皇漢武學神仙

御製詩文每斥神仙之妄

玉輅青旂出鳳城年年典禮重躬耕似閭宮女驚相語

八十君王扶耒行

純皇帝耕籍通志 阡陌每歲必作耕籍字詞壽國八秩猶然

江浙羣黎覲 至尊山東父老沐深恩洗兒宜賜齊歡

喜喜道皇孫又見孫

上六巡江東喜得一體 賞賚

八徵耄念篆龍文寶籙瑤函護紫雲始信 聖人真好

學經筵抑戒表精勤

皇帝八十講八徵耄念之寶命經筵陳抑戒見耄年嗜學之意

瑤宮日暖萬年枝五世同堂進玉卮萬國嵩呼齊祝

壽

聖皇還作壽民詩

純皇御製五世同堂記又御製壽民詩

昇平歌舞萬方同都起艱難一念中欲識 君王勤政

意尙書無逸寫屏風

純皇帝親書無逸於屏

天上重懸日月光宮中慈孝總難量飛龍已正當陽位

侍膳依然共一堂

高廟禪位仁宗較御膳與皇帝同食不另設

流傳軼事說 先皇玉食由來徧萬方野老獻芹眞自

愧 九重偏愛菜根香

聞高宗南巡有以芹翠碗獻蔬菠羹者上食之深爲嘉悅

重華宮裏燕羣臣恰值春初萬象新爲喜太平無事日

頻教聯句鬥清新

屢賜廷臣茶宴於重華宮聯句

朝廷羅致盡英才幸值熙朝運會開傳到儒臣爭和

韻今朝親幸翰林來

上幸翰林院御製七律四首廷臣恭和

山莊避暑響金鑾風雨調和戾氣消莫怪九重知稼穡

年年秋省到團焦

田家茅蓬小屋北人謂團焦每歲在黎陽秋禾長成必躬巡省視

水旱依然慮萬民寰區處處布陽春未明先起宵遲睡

信是憂勞第一人

御製詩寰中第一尊崇者卻是憂勞第一人

野人耕鑿戴堯天功德崇隆徧八埏奏向聖皇渾若

忘不稱尊號到耄年

羣臣屢請上尊號不允

微風殿閣自生涼
初獻鮮瓜進
尚方綠玉瓊漿寒沁

齒便思分與渴人嘗

御製消夏十咏瓜詩有
何人方病渴一辨試分嘗

葩經聲調久淪亡
自昔無人補樂章
鳳律新頒天子訂

周南雅化播宮商

欽定詩經樂譜悉註四
上工尺將琴瑟簫管譜入

安輿巡歷善承歡

奉后幸浙

太隨駕宮娥趁曉寒
貂帽禿襟

紅袖窄鞵穿金鐙
跨征鞍

本朝旗人婦女
不許寬衣大袖

五色祥雲捧
聖皇孫
曾濟濟慶同堂
何須海島求仙

樂御宴新開九十觴

六龍南下歷江關
花滿深宮鎮日閒
內府忽傳開寶庫

修成玉帶鎮金山

東坡以玉帶留金山失去四版
廟南巡出內府玉補修存古迹

高

艱難王業起遼東淳樸依然沿舊風分派大臣先下

詔傳呼吃肉到瑤宮

自祖宗來詔王公大臣吃肉衍舊制

山泉流與內城通西掖門開似鏡中玉螭金鰲閒佇立
荷花萬柄映波紅

圓明園外水連天雨露常滋景物鮮
杭稻翻雲秋色遠
昆明湖泊釣魚船

連姻 帝室沐殊 恩府第新開近 至尊蕃部名王

多額附親攜刀劍護宮門

本朝公主多下嫁蒙占諸王或入宿衛

家法嚴明 列聖傳深宮預教在初年阿哥生質多聰

穎國語學來字字圓

故事阿哥入學卽學國語不使忘本

祖制從來儉不華遐方食物貢 天家宮中避暑冰盤
列萬里初來哈密瓜

每日當朝退紫宸大官時物徧嘗新應知一體同休戚
御膳親頒 賜重臣

勳名誰竝郭汾陽繪像畱題在紫光

國朝功臣繪像紫光閣上親製贊

子弟承恩多宿衛黃衣親惹御爐香

滿洲大臣子弟每賞侍衛賜黃馬褂

騎馬前來紫禁城 賞功頭等早簽名珊瑚作豆飄黃

穗內府荷包製作精

大臣賞紫禁城騎馬有功者賞荷包

金爐獸炭撥香火 宸翰親揮日幾回一字光芒騰萬

丈臣工受福自

天來

每年賜大臣福字各敬懸堂上爲榮

銅街處處躡寒烟嶺上梅開未占先一種名花光照殿

仙山雪裏貢金蓮

五臺山雪裏開金蓮花入貢

從來富貴屬

天家樓閣香飄透碧紗不用

龍旗遊

上苑自然排月進名花

蘇杭所進盆卉付南園澆灌按月進入宮中

龍準親王玉殿陪推心骨肉絕嫌猜御羹頒賜恩高

厚新貢天花地菜來

二物出五臺山

碧沼空明映彩霞依然仙島湖瓊華水嬉今日全無用

流入宮牆送落花

太液池中金時有瓊華島明建玉熙宮演水嬉本朝裁去

炎方荔子是奇珍貢入深宮色味新船載幾株盆內種

無須飛騎走紅塵

閩粵以盆種荔結實纍纍由船入貢味極芳鮮

唯和篇章則石渠偏臣譽筆侍 宸扈大官承 勅先

排宴預備賞花兼釣魚

賞花釣魚屢宴羣臣有唱和詩

昆明湖水綠灣環朱戶連雲玉殿閒共說 今皇能孝

養 安輿親捧上香山

家人禮數自從容派屬天潢德意濃典制當今流弊絕

親王任職不分封

自昔王室宗親藩封勢大則釀亂猜嫌棄置則寡恩明制雖不與國亦無

權而分封四出民受其累惟本朝不封於外而每當重任立法盡善

塞上曲

自從開國服諸藩蒙古滋生部落繁四十九旗齊虎拜

年年受

賜荷

天恩

太祖太宗時已征服蒙古諸部落

列鎮兵間自射雕荒雲廢壘草蕭蕭 熙朝地本無中

外萬里長邊插柳條

東北以柳爲界名柳條邊

七月天山雪作花涼宵何處起悲笳征夫各自攜家住

免寄寒衣少婦嗟

新編成卒攜眷支口糧

沙場白骨照寒霜記得前朝哭國殤卻怪當時無恤典

旌忠褒贈待吾

皇前明死事諸臣或缺優恤本朝均賜諡

雪花深壓李陵臺草沒明妃冢一堆國士美人悲絕域

於今都入版圖來

邊鎮烽銷紫塞清田家征戍不簽名春耕填徧長城窟

卻喜桑麻處處生

自昔恃長城爲護明時蒙古諸部落屢畏暗入今關外皆服屬如內地

平沙黃草北風麤雪捲牙旗駿馬驅 天子圍場親射

虎白翎濺血萬人呼

冰消雪化一陽回漲徧溪流稼易培幸屬 皇朝沾雨

露從前萬古不聞雷

伊犁自來無雨恃溪水浸
灌內屬後每歲雨兩次

皇威久已徧垓埏蟬臂何堪拒轍前河上黃旗驚賊膽

太平 天子自臨邊

聖祖親征淮夷一向
魯倫河一至黃河

自古戈鋌練健兒誰將禮法化羣夷近來文廟西方盛

共仰中華萬代師

伊犁去京二萬
里但立文廟

邊詞

勒石天山戰績多將軍出塞靖干戈索倫蒙古向無敵

笑煞當年曳落河

本朝索倫兵最勇蒙古外蕃猛銳聽調隨營

田家詞

耕鑿霑恩不計年征輸盡入一條鞭鄉間父老攜孫戲

笑說添丁不納錢

丁口攤入田賦永不加增萬世之澤也

教兒識字學田歌樵牧歸來掩薜蘿昨夜鄰家聞喜信

儒生耄耄盡登科

生員年高者欽賜舉人會試欽賜翰林從古未有

作社年年共幾回釀錢會飲客頻催村居渾忘尊官勢

敬禮高年自捧杯

自來勢宦之橫民受其殃法森嚴勿敢作威於鄉

本朝立

北里紛紛羅綺叢少年醉夢管絃中教坊營妓都裁卻

子弟從知慕古風

唐宋元明有營妓教坊本朝盡裁去

監軍監稅少闌人皇店皇莊迹久湮安處鄉園多樂事

遊行千里自在身

歷代宦寺多令外出明更有皇店皇莊亦命奄人掌之今俱裁去

香閨當日禁森嚴法令從寬百不嫌田婦亦誇裝束好

紅裙拖地露纖纖

國初禁婦女裹足犯令者父母坐罪鄰里不舉發者亦坐後弛其禁

敢望高車出里門久安農業牧雞豚忽驚鸞詔從天

降得請官封自外孫

本朝制外祖舅母岳母皆准賜封錫類推恩古所未有

催租誰復賣新絲耕鑿餘閒樂不支除卻前朝加派稅

老年喜見太平時

前明軍興加派至二千餘萬國初盡革除

嘉州竹枝詞

平羌江水碧琉璃下水船輕上水遲誰道行遲儂更喜

白雲堆裏望我眉

嘉州正對峨嵋

杪羅樹下淨無埃結伴燒香踏綠苔百里朝山誇父老

這回親見佛光來

嘉州南巖眉山上生杪羅樹雲中放願光謂之佛光不常見

踏青遊女繡羅襦雲鬢均粘柳葉符纔出瞻窺門外路

逢人先問小西湖

踏青女貼花勝于鬢謂之柳葉符瞻窺門外有大西湖小西湖

遊人到此日倘佯幾箇如仙幾箇狂有酒有花須盡醉

紅雲深處海棠香

昔多海棠城內有海棠灣海棠山

到處山鄉接水鄉由來北客怯炎方勸君銷夏還須住

荔子初紅沁齒涼

城北有荔枝灣

臨江半是釣人居婦子團團樂有餘頓頓香蒸雲子飯

條條柳貫桃花魚

產桃花魚桃開則生
額有紅點如桃花

嘉州從古擅風流莫怪人輕萬戶侯紅蕖滿山江水碧

秋來齊上大佛頭

唐時僧海通就山鑿大佛
像三百尺以鎮三江之衝

報賽迎神唱竹枝竹公溪畔竹王祠插花蠻女清歌罷

露冷鵑啼月上時

一水自夾江來遶郭南流注
江曰竹公溪有竹林三郎祠

明秀江山亦愛才東坡已去放翁來漁人不識書中字

結網還登爾雅臺

爾雅臺在烏尤山正覺寺
外傳郭璞注爾處產墨魚

衝山裂岸門龍蛇來看雷奔浪湧沙鎮水金身三百尺

飛空亂洒白蓮花

凌雲頂上看冬雪方響洞邊聽晚風疑是仙妃來月下

輕搖環佩玉丁東

方湖在城內高標山下靜聽水瀉
有聲舊名丁東水黃山谷改今名

鹽繖箇箇似浮鷗四望關前且暫留買客不知離別恨

又隨明月下渝州

四望關在州東
高可四望故名

江波照菱光如鏡江水無情卻送郎東下荆門千里隔

九峯相對九迴腸

凌雲山在城東一名
九直街亦稱小九疑

栽桑種稻白村村黎井煎鹽亦帝恩民愛官清官更

樂此州有螺佐芳樽

蜀地少解
嘉州獨有

蜀中雜咏

司馬文章一代才炎涼懷抱幾時開他年宣諭還鄉國

祇爲高車駟馬來

相如

將軍血戰著富陽社稷偏安蜀一方涓水清流難飲馬

空餘城內子龍塘

一池甚巨相傳子龍飲馬塘

佛殿低牆掛落暉宮華池苑是耶非僧人種菜荷鋤立

閒看滿畦蝴蝶飛

昭覺寺蜀宣華池舊地

萬里通夷漢節懸張窳鑿空亦徒然支機石在誰懷古
自昔黃河不入川

江山草木鬱青蔥城郭依然似畫中檐上看花花盡豔

春風不見海棠紅

少陵在蜀無海棠詩人以爲怪放翁題咏甚多明已無道及者今絕無矣

城西猶說舊皇城石壁粼然綠蘚生最好秋闌鐙萬點

何如宮燭夜深明

棟閣是故蜀宮

千年府第幾沈淪八百株桑久化薪徐庶成仙雲外去

誰憐嘔血漢忠臣

成都府署
諸葛舊第

惠陵碑豎古祠旁一體君臣俎豆芳七十二墳荒草遍

何人肯爇一爐香

惠陵與武侯祠近

披髮三丰此舊遊青羊宮外草含秋仙人妙契非文字

猶有龍蛇墨迹畱

祠外照壁有三丰字剝落不全

臨江濯錦錦陸離江水澄鮮自足奇縱使良工今未絕

也應花樣不宜時

獻忠層成都孫可望據二十六行巧匠入滇

沿城舊迹半苔封花木新栽幾處逢落日赤霞明古堞

錯疑秋色耀芙蓉

昔芙蓉滿城上望之如錦故曰錦城今絕無有

雨溼海棠紅未勻
遙山一抹黛痕新
文君沽酒楊妃醉
俱是西川絕代人

文君
楊妃

咏史

百戰兵威畢六王金
人列坐壯咸陽
長城萬里邊防密
不料中原逐鹿場

臺上雲飛起大風
歸來父老樂新豐
烹完走狗渾無事
畱卻牝雞護紫宮

淮民數萬沒水隈
百寶莊嚴佛寺開
餓死臺城終不悔
當年原自捨身來

楊花飄蕩李花榮
斌媚娘歌亂已成
鸚鵡纔醒棠又睡

幾回春夢不分明

周宮典制青苗法軍國謀猷蟋蟀經一例逢人誇相業
杜鵑聲到有誰聽

共喚杭州作帝京兩堤花柳管絃聲西湖好景如天上
苦煞風霜五國城

門庭日日自操戈活佛西來祕術多莫問江南兵將猛
大家歡樂舞天魔

倉皇土木棄刀弓北狩蒙塵玉殿空定策如無于少保
居然南渡宋高宗

妙奪天工玉漏催空中手自費安排熹宗更有餞金斧

欲向元家鬥巧來

虎踞龍盤氣黯然金陵城闕剩蒼烟當年燕子能飛入
無怪爭傳燕子箋

苗婦

建昌苗婦冬來成都爲人傭四月閒卽歸畏熱故也

蓬頭赤腳短衣單執爨攜瓶未覺難自笑此身如旅雁
冬來春去不遑安

錦官城裏闌繁華籬下依人那是家冷眼偏知憐熱客
紅塵滾滾走如麻

負炭婦

民間婦女多負炭求售

還將負重向人誇一日勤勞米可賒自幼不知脂粉貴

煤灰滿面似塗鴉

依然閨閣女兒身日走長途耐苦辛冷竈自憐烟火斷
雪中煤炭送何人

貧婦

攜兜賣青草飼豕如
竊割他家者必罵

腰纏陌上綠盈盈纖芥還愁起鬥爭但得農人皆讓畔
何年芳草不叢生

零露無聲溼敝襦此來專供牧豬奴旁人錯道踏青去
可有閒情鬥草無

負鹽女

肩挑背負一身兼雜作丁男也不嫌浹背汗流形質陋

旁觀休得笑無鹽

辛苦酸醎眾味兼
以身嘗試又何嫌
寒風刺面衣裳薄
怕唱新詞刮骨鹽

偈咏

琴臺在成都掘其下有數甕蓋以之響琴卓
王孫宅在隨州掘其下得撲滿甚巨內盛錢

自是文園癖好琴
高臺廢後見精心
美人名士真知己
絃外餘音仔細尋

太息王孫慣積財
五銖何意委塵埃
還思卜式真高冕
能爲官家助費來

杜宇城

在郫縣

荒林古墓日平西
灌口江流繞故堤
芳草落花無限恨

杜鵑城裏杜鵑啼

娘子嶺

松茂孔道相傳楊妃經此

邊塞風高嶺上寒
遠山如黛好誰看
三郎莫苦連雲棧
妃子曾經蜀道難

楊妃池

楊元炎爲州司戶生妃于此幼墜池中以此得名在今灌縣

人水明珠光照池
先教玉液洗凝脂
海棠未破東風喚
可似華清出浴時

莫訝靈池走一回
仙人原自出蓬萊
新妝未著凌波鞵
誰識唐家禍水來

花蕊夫人故宅

亦在灌縣

絕代佳人不易生，可憐傾國與傾城。
海棠委地香銷歇，誰道名花又向榮。

簪花妙格墨流香，百首新詞獨擅長。
不似玉環才調減，寫經專媚李三郎。

火浣布

越嶺五蠻山石縫生草，捻以織布，性純陰，取以拭穢，投火中，穢淨而布無恙。

幅短知難作襪材，火攻渾欲化劫灰。
誰知小草能堅耐，也似精金百鍊來。

清白何嫌質理粗，頻經除穢未沾污。
笑他羅綺矜花樣，敢向洪爐一試無。

桃花魚

通身白如冰雪，惟額上紅點如桃花。桃花開時，方出桃花，落盡則紅點即矣。

流霞片片耀西東
幾隊游魚碧浪中
鱗似雪花冰是骨
春風點額小桃紅

清溪疑是武陵津
萬點紅浮鏡裏春
春盡落花流水遠
依然冰雪認前身

馬嵬坡楊妃墓

蓬萊何處問嬋娟
鬱鬱埋香不計年
過客題詩都不顧
揮毫親見李青蓮

迴首長安玉步移
香銷羅襪草離離
離堪憐未到西川去
得近涪州薦荔支

妃嗜涪州荔枝

仙李蟠根幾葉榮
海棠濃睡更傾城
驚心動地漁洋鼓

抵死摧花帶殺聲

雲霞鬢髩見仙靈
夜半無人鬼火青
幾隊騾綱墳畔過
香魂愁絕雨淋鈴

高石梯

怪石嶙峋貌不同
陡崖百尺入雲中
最憐幽谷桃花豔
卻怪新春樹葉紅

綠樹上層層發新
葉紅豔如花開

城外閒行如鶴放
眼前得句訝神通
原田已望瀟瀟雨
徧布濃膏仰化功

小亭

三面荷花映小亭
紫薇花放鬥娉婷
晚涼閒倚欄杆望

萬片飛紅點綠萍

日暮

河邊喚渡正徘徊
舟子遙磨又屢催
好記今年嘉定路
暝烟疎雨漫山來

江聲入耳又潺潺
近水人家欲閉關
客子逢人詢宿處
雲遮翠岫路灣環

過新津渡河

西風翦翦又深秋
依舊長河漾碧流
兩岸蘆花飄似雪
還來披拂旅人頭

去年秋由
此入省

題福建廈門司馬王小山桂德政圖

寓蜀

草

卷三

七言絕句

三

行遍山村日未殘
羣依花柳坐團團
耕夫桑婦同歡笑
喜聽家常來見官

冒雨山行

青青隴麥欲藏鴉
細雨清風小徑斜
巖谷高低雲斷續
靜無人處看桃花

偶作

春深暑氣已潛烘
高枕開窗待好風
牆外看山牆內竹
官衙不似在城中

署中雜咏

炎蒸無地避驕陽
白羽頻揮亦太忙
每到虛亭塵世隔

荷花四面水中央

嘗從畫裏見
關詩民事艱難自昔知
最好城中似城外
新秧纔綠雨絲絲

夜雨瀟瀟溼綠苔
虛窗倚枕獨徘徊
芭蕉葉共千竿竹
并挾秋聲入座來

開軒北面小橋通
曲折迴廊地數弓
一陣清香醒客醉
紫薇花裏過來風

淨綠池塘水漲初
朱欄曲曲護階除
停雲閣裏渾無事
讀罷南華學釣魚

瓦屋三間白板扉
雜花繁樹粉牆圍
三更院外空雲水

玉笛一聲旅雁飛

但能積土亦成岡莫笑公不自量十丈金身雲外現

遙看飛閣壓城牆

署中土岡上望見大石佛

海棠香國亦無花且向庭前看木瓜略似玉人簾外立
茜紅衫子颺輕紗

凝翠樓落成

支板爲樓大半閒芭蕉扇扇竹斑斑虛窗盡啓空明甚

坐愛城頭遠近山

城內外山皆可見

一灣綠玉數峯雲快雨新晴錦繡紋人在小樓濃翠裏

山光水色共氤氳

落成纔告已深秋酒陣棋兵夜未休萬箇蕭蕭聲夏玉
此君畱我宿高樓

秋光到處絕纖埃危坐臨風幾湖洞牆外烟巒牆內樹
一齊收入綺窗來

鏡香亭外蓼花汀凝翠樓連知稼亭好待春光三二月
荷錢貼水稻秧青

山上松濤聒耳忙署後鳳鳴蓮宇諸山祠廟間松杉最多樓中鐙影伴蛩

蟹方塘更有殘荷在秋雨秋風夜正長

明湖竹枝舊稿去去湖作

女伴同來問水濱荷才如笑柳含顰畫船搖入湖心去

縹緲歌聲不見人

小閣臨流夕照中阿誰斜倚畫欄紅鵲華橋畔分明記
只隔芙蓉路不通

百花洲上百花嬌和雨和烟柳萬條玉笛一聲亭畔起
菱歌不唱也銷魂

閒來嬾上酒家樓倦卽酣眠醒卽謳兩岸蘆花秋瑟瑟
數枝紅蓼壓船頭

花鄉水國足清妍萬斛明珠灑玉泉記得 聖皇行幸
後亭臺金碧夕陽邊

漁莊歷歷傍湖隈隔斷紅塵幾溯洄莫恨泉流城外去

還邀山色入城來

瓜皮艇子載紅妝來去紛紛底事忙儂自無心閒笑語
不知驚起睡鴛鴦

新涼最愛鐵公祠船繫亭陰半醉時日落平湖秋水闊
紅霞浸入碧琉璃

朋來尋樂話喃喃賒酒一瓶魚一籃名士美人都不記
湖山瀟灑似江南

官衙盡處見長堤明鏡虛涵萬象低不惜停橈回首望
樓臺烟雨共淒迷

戲作游仙詩

寓

蜀

草

卷三

七言絕句

三四

三四

洞中仙子被霞裳
洞外桃花媚阮郎
當日漢皇非解事
溫柔鄉在白雲鄉

飄然避世入山深
虎嘯猿啼試道心
別有深情人未覺
丹成九轉點黃金

秦皇海上望三山
徐福孤舟去不還
多少仙人不識
桃花流水自人閒

偶然射覆頗神奇
王母青鸞降幾時
臣朔殿前飢欲死
可能天上作偷兒

萬事勞勞住世難
荒山採藥鍊金丹
長生共說超凡侶
何事雲霄降玉棺

瑤京丹詔下林巒也似人才上界難幾輩終南誇得道
共來金闕作仙官

幾見飛升到太羅修成還怕劫生魔如何闔徧神仙傳
竟似紛紛點鬼多

桶中尋藥可藏身何必輸贏賭玉塵黑白紛紜爭劫急
當場一著要饒人

出世逍遙歷幾年功行何日報皇天惡人頭骨化爲水
不學真仙學劍仙

松閒遙望白雲多洞內觀棊已爛柯一局纔終人世換
仙家歲月易銷磨

洪厓若箇得隨肩不具靈根未是仙
卻怪小山叢桂下
頑如雞犬也升天

眞卿盡節成仁日蘇武全身入漢年
避穀吞丹多自誤
人間忠孝是神仙

列國宮詞

學使蔡公重慶考古題爲列國戰
國宮詞事舊而格新擬作二十首

紅顏誤妾入他家脉脉無言臉
暈霞愁煞細腰宮畔柳
君王從此愛桃花

楚宮

別館離宮次第開秦川如畫映樓臺
吹簫未引雲閒鳳
駢脅英雄入贅來

秦宮

芍藥相投笑語狂溱川上已好風光
民間那識宮中貴

入夢芳蘭是國香

鄭宮

臨淄萬戶曉烟生作戲無端惱列卿
跋客先登房內笑

誰知一笑幾傾城

齊宮

結束花裙繡繡襦美人編伍列行行
教成一隊胭脂虎

娘子軍聲嚇楚疆

吳宮

越國烽烟犀甲多黃池盟罷息干戈
吳宮花草應如舊

有女含顰喚奈何

吳宮

隔院風飄帶笑聲登臺喜見體輕盈
難瞞近侍知消息

鬢臂微聞細語盟

魯宮

文馬東來氣不驕韶顏幾輩曳紅綃
美人絲管通宵樂

那得工夫事早朝

魯宮

出宮迴望淚沾衣羞見參差燕燕飛當日黃裳何忍著

收藏猶帶舊香歸

衛宮

舉世誰能識鳳麟勞勞車馬困風塵人言西子遜南子

環佩鏘鳴拜聖人

衛宮

戰國宮詞

沅芷湘蘭種幾叢名花處處待春風君王不忍前魚泣

若箇蛾眉敢入宮

楚宮

鄂渚秋風落葉堆襄王朝暮住陽臺鴉媒無信多山鬼

誑說仙雲入夢來

楚宮

一見王孫笑語通經營百計入秦宮邯鄲鼓瑟人如舊

奇貨誰知販鬻工

秦宮

熒熒明鏡照新妝渭水流脂入地香三十六年秋夜冷

可憐無日見君王

秦宮

武靈雄概亦堪誇代北雲中盡是家趙國佳人顏似玉

晚年偏性愛吳娃

趙宮

修容媚主貌如仙列屋閒居各鬥妍聞道無鹽新受寵

一時含淚卸花鈿

齊宮

秦人巧術亦多般欲試靈心取笑嫵賴有深宮王后在

外庭無計解連環

齊宮

丁丁宮漏月黃昏臥室何人敢到門共說如姬明大義

竊符先報信陵恩

魏宮

宮中瓦震劇心髮十萬秦兵戰未休共恨平原無上客

高樓空斬美人頭

趙宮

馬角烏頭感上天深宮銜恨淚潸然纖纖玉手甘酬客

劍術無成最可憐

燕宮

芭蕉女子

華陽諸生寓僧寺多芭蕉僧鋤去種菜一本已

傷生止之得不去夜有女入謝自言隨父任入

蜀年十七夭歿昨魂附芭蕉受傷幸未除生時

父教以詩因和生作甚悽惋

髣髴陸中夢一回羅衣化盡委蒼苔隨他綠葉重重裏
無限芳心展不開

蜀道青天遠敝廬吟魂夜雨憶當初雖然未化鴛鴦瓦
也似芳蘭幾被鋤

巫山女子

販香客寓巫山江岸夜有女至云居此宅未嫁
而歿因有緣來相就或知而問客客遷于夔

夔府孤城寄客蹤江皋解佩憶從容宵來雲雨歸何處
回首巫山十二峯

巫山山下水蒼茫
草沒荒臺笑楚王
真箇消魂非夢裏
客如韓壽也分香

陳氏女子

忠州有地名鬼門關
陳女嫁瞿姓歸寧抱雄雞
至此遇宋木匠強污之不從死
斧下州牧來驗
巖間有雞鳴若呼宋木匠一訊而伏

貞心如玉節如山
白刃心甘低翠鬢
月黑深林啼杜宇
至今人怯鬼門關

黯黯青山日沒西
荒途夜冷影悽迷
郎今枕畔聞雞鳴
都似幽魂宛轉啼

文君井

非在臨邛文君汲之甘香沐浴滑澤他人則否
當鑪微倦晝長閒暫沐冰肌掠翠鬢不待蛾眉臨鏡好
還憑秋水寫春山

汲罷銅瓶碧螿寒琴臺日暮倚朱欄市人都醉鑪閒酒
誰識清泉淡愈甘

記得

衰顏無復少年心萬里迢迢有故林記得趨庭風日美

槐黃滿院綠苔深

家庭老
槐甚茂

連牀對話敝書幃寂守荒園白板扉記得海棠開盡後

飛紅亂落客來稀

幼與大兄顯亭共讀舍前海棠甚盛

阿連年少氣如虹縱酒狂歌笑語同記得東村攜客坐

青山半缺夕陽紅

四弟薇堂好酒嘗與余邀客往河東村外小山下飲酒歌呼指山澗嵌崿

處曰吾每飲此謂之半邊餐

麒麟落地不凡才玉折韶年百事哀記得閒庭呈畫稿

青山紅樹映樓臺

五弟華亭自幼聰穎十二三歲學畫著色山水筆極秀

旭陽懷古

東坡一字抵瓊琚推獎王郎美有餘畢竟讀書千載重

公卿沒世姓名虛

王庠讀書有聲東坡致書甚推重

黃公墨迹委泥沙勝地依然屬道家幸有此君軒畔竹

月明牆影動龍蛇黃山谷爲道人王元公題此君軒詩
久亡今於文昌宮後復建小軒道士

主

衙齋當卽是書齋公武牙籤密密排案牘而今積滿架

遺書猶在亦塵埋

晁公武刺榮
州有讀書齋

南渡風流更屬誰生平酷愛放翁詩高齋十日留鴻爪

已有千秋絕妙詞

放翁築高齋有飲酒
詩十日卽移嘉州

殉難賢名著石坊東川古墓久荒涼可憐明代多遺憾

贈諡標忠待福王

胡子昭死
編王追諡忠愍

沒入宮中閱歲多餘年歸骨舊山阿更憐名列教坊籍

挫辱忠門意若何

胡忠愍一女沒爲宮
婢年七十餘放歸死

咏古 輯鄉園憶舊刻
成隨筆戲咏

釣餌屠刀遇亦窮風塵垂老困英雄丈夫衣錦還鄉樂

喜看青齊表大風 太公故里
在今莒州

鮑山山下弔荒林誰識齊卿一片心為國求賢真相度

人閒但解重分金 鮑山下叔牙
墓云分金處

鵲山丹竈委塵埃當日神醫采藥來此地藏身堪沒齒

爭名何事被人猜 鵲山因扁鵲在
此鍊藥為名

書生高議氣崢嶸憑軾降齊七十城韓信陷公干載恨

猶嫌鍾室未遭烹 淮陰之死人皆惜之第破齊於既降
之後致酈生慘死此天理所不容

英雄割據已成灰太息陳王八斗才銅雀臺荒無片瓦

至今人重讀書臺

東阿魚山有陳思讀書臺

禰衡薦表播芬芳杜甫開亭共舉觴一例人間稱北海

愛才如命不嫌狂

孔北海融李北海誰皆愛才

守樹求魚屢歎嗟自從南渡播聲華從來孝弟天多祐

原是尋常百姓家

南渡王謙竝稱閩閩皆詳覽孝弟之報

漁陽擊鼓戰塵昏獨守危城國士存富貴爭趨李林甫

太平誰識顏平原

萬世儒宗道脈恢帝王崇重奠尊髯焚書賤士何如主

也向曲阜觀墓來

始皇至孔子墓見諱離意傳

身登絕頂接天關齊魯青青杳靄閒何必驚人誇小謝

題詩靈運是開山

太山李杜未有詩之先靈運登之題詩尾爲詩家開山之祖

滄海雲霞象萬千秦皇漢武望年年分明鬢氣樓臺現

錯認神山在目前

海市望之若近卽之已非秦漢人不知妄謂仙山

鵝華相對翠模糊水光山入畫圖更想三周看不足
旌旗影裏一峯孤

隱身長白志冰堅千乘能輕亦足賢堪笑人譏陳仲子
看來多半飲貪泉

頌椒吟絮亦畱名共說深閨毓俊英伏女傳經曹續史
始知華藻總虛聲

齊魯由來號大邦離家空看雁飛雙芙蓉冷落秋光老

身在錦江思繡江

虞美人

美人已歿成香草霸業久空怯大風栽傍雞冠應不屑

爲嫌雌雉自稱雄

呂后名雉諱雉爲野雞

中秋無月

姪庚孫京與王選士之子登上山飲酒待月約聯句皆垂髻童子也余喜其有

逸興作詩以示

風動琅玕響畫簷清光久盼碧峯尖白頭應惹姪娥笑
桂殿深沈不捲簾

今夜仙娥會廣寒重重羅幕怕人看他年汝輩梯雲上
攀桂休呼白玉盤

池閒卽景

卸卻紅蓮綠葉披
蓼花新放兩三枝
似憐國色飄零盡
瞥見村姑學畫眉

得家書

飛鴻萬里到眞難
接得家書歲又寒
可怪書中無限事
封皮依舊寫平安

出行

青山缺處聞人語
相逢半是漁樵侶
小溪綠淨無纖塵
紅葉隨風落如雨

隋堤柳

高麗師燬海水腥汴河民做柳條青幽魂怨魄銷難盡
散入秋風萬點螢

山行

城中幾度厭繁華迤邐山行野興賒最愛荒村籬落景
瓢兒菜與碗兒花

隸人于崖畔折紫荆花一枝獻予感賦絕句

四弟
薇堂

破未百日也
仍用前韻

蕭疎客鬢閱年華睽隔鄉園道路賒正是春風好時節
無端吹折紫荆花

戲咏明皇楊妃事

酒酌西涼臉暈霞沉香亭畔倚欄斜紅開芍藥春如海
冷落寒梅一樹花

長生殿裏語綢繆絕代紅顏轉盼休最恨西川身未到
支機石畔望牽牛

題邯鄲夢後

當前富貴更團圓覺後依然旅店寒獨怪世人多徹悟
甘心入夢續邯鄲

高山

此山高出碧雲端無怪人皆仰面看幾箇攀蘿登絕頂
誰知退步較登難

以婢彩霞配家人周貴張海雲戲作花燭辭約諸

友和之余亦有作以爲歡笑

畫出蛾眉秋月斜

婢我眉人嘗見一書云峨眉即蛾眉不必加山字

一枝穠豔

自仙家含情欲得周郎顧不種紅桃但種麻

婢面麻

從無厮養配才人

來詩云康成有婢解吟詩虛詞也

野渡橫舟有問津

士人妻妾相妬不能自立婢夜吁氣作詩結云野渡無人舟自橫

不是東風催結子還

愁楊柳翠含顰

楊柳白樂天婢

姻緣註定自三生一對家鷄叶鳳鳴有客多情吟豔句

天邊笑指彩霞明

一居東海一西川千里朱絲已暗牽婢織奴耕均効力

淵明計日可歸田

來詩云而今幸得樵青
配他日辭官好刺船

再和張海雲

彩霞嫁後有婢秋
香將嫁以詩問期

獨處無郎恨小姑詩人嘲謔漫揶揄原無識字康成婢
安得憐才穎士奴

桃李春風結子忙秋來丹桂亦含香一般都賴東君管
也似爲人作嫁裳

過廢園

亭臺池館費平章富貴何時得倘伴轉瞬平泉草木盡
子孫耕稼魏公莊

木文紀異

道光七年江菱石錫麟署溫江李氏楹宋蠟穴
其中伐爲薪木有文曰溫江縣正堂加三級明
年獲盜魁果加三
級戲作七絕四首

江郎才畧自超羣捕盜年前現識文誰向夢中偷彩筆
蟲書入木已三分

頭銜進秩亦尋常隔歲何由已兆祥萬事從知皆預定
紛紛計畫笑人忙

彷彿三刀夢益州天心人事似相謀呈來七字如操券
笑指黃花恰歲過

伐木見文在九月明年
部文到縣亦在九月

遊戲文章屬化功如何字體亦雕蟲丈夫素有凌雲志
松夢還占十八公

閒吟

著意推敲得句遲
幾回捻斷白髭鬚
閒中會得天然趣
纔出城堙便有詩

寓蜀草卷三

五言律

濟南王培荀雪嶠

和雲陔與戴已山夜話

在蒲臺

訪戴匆匆去新詩喜共吟一宵談別緒千古重知心作
客愁應減憐才意獨深挑燈同見憶感極亦沾襟
且入芝蘭室風霜奈爾何才高招忌易心定閱人多醇
酒聊消遣窮途亦琢磨盍簪還有約慷慨莫悲歌

歲暮雜詩

效放翁體

清閒欣是福秉性那嫌迂山水緣雖淺詩書興不孤艱
辛倚僮僕粗糲飽妻孥莫漫嗟裘敝貧民尙乏襦

今日寒初減，欣聞鵲噪聲。
煖脾嫌酒薄，臨帖趁窗明。
落拓平生志，微茫後日名。
無多方寸地，何事苦營營。

孤影他鄉客，荒齋日檢書。
始知貧有命，不嘆食無魚。
落寞交情見，孤高禮法疎。
故園歸去近，課子帶經鋤。

記得趨庭日，三冬課倍加。
科名悲小草，歲月嘆修蛇。
漸閱人情熟，深慚昨計差。
此身終碌碌，孤坐每長嗟。

風雪催殘臘，匆匆歲又終。
學荒常憶子，頭禿漸成翁。
寥落天心迥，糾紛人事窮。
宵深還秉燭，更漏響丁東。

出門還訪友，僻徑一相過。
告別今當久，畱談不覺多。
炎涼看世態，冷淡結詩魔。
日落催歸急，寒風起大河。

遲起窗延曙風號隔壁聞圍爐先撥火攔筆懶拈文樹
老留殘雪天低滯凍雲老鴉何事急屋角亂呼羣

莽莽風塵裏遙聞玉笛音難消此夜酒頓起故鄉心孤
冷疎窗月蕭騷晚樹林青燈照無睡呵凍寫哀吟

家書纔寄去瑣屑語難明多病憐妻妾長貧憶弟兄料
多塵世累不及旅懷清連日圍爐話應知盼月盈

懷抱無窮事年衰百慮休名心嗤畫虎妙技感屠牛暫
借新詩讀難將夙願酬依人殊自愧王粲怯登樓

遇雨

以下十五年入川

客路愁逢雨雲垂四野昏畏寒思挾纊策馬急投村田

隴全連水人家尙閉門更嫌蛙得意聒耳正聲喧

登程

裝束匆匆甚登程卻得閒鄉音聽漸改家計喜全刪雲
重多愁雨天低忽露山衛輝知不遠遙指夕陽閒

過滑縣

田家宜夏日繞屋綠成圍樹密多垂果人閒半掩扉荒
陂浮鴨靜涼蔭飯牛肥北客征途倦無言對落暉

連日行路疲殆

河南道中

泥路艱難甚崎嶇莫問程馬疲惟戀棧客倦但占晴一
水頻頻渡重山簇簇迎未經登蜀道早已困宵征

山行入
棧

初經雲棧險深杳翠千重流水侵前路白雲隱半峯折
花耽野趣冒雨洗塵容素有遊山興長途喜乍逢

阻雨

倚枕客心驚終宵聽雨聲披衣惟俟飯計路屢占晴淵
合流偏壯山多雲易生家園妻子聚可悉客途情
雨止天如曉雲連日又昏無聊惟展卷人倦且關門輿
僕閒多睡簷溜響更繁明朝登峻坂應慮馬蹄煩

自遣

萬里初爲客艱難氣漸平當門看黛色倚枕聽灘聲磊

落詩懷健蕭閒俗慮輕秦雲兼隴樹送與杜陵評

山行

猿叫蒼烟裏陰沈日又曛排來千疊嶂直入萬重雲樹
色凌空見泉聲到處聞山行殊未厭不必惜離羣

過鳳縣

未見新垂柳舊傳鳳縣柳絕佳風沙滿目中人來雲棧北路繞

鳳城東曲磴野綿紫斜坡蕎麥紅林間啼謝豹瑞羽舊
巢空

過鳳嶺

鸞鷲山邊路凌空石磴斜羣峯來足底故里渺天涯登

湖聞流水垂巖摘野花登高欣縱目海日擁紅霞

過新紅峽

千仞蒼崖束嶙峋立海驚駭人天偏窄礙路石巖巖雲
影隨山碧灘聲得雨驕入川應未遠地勢此能豪

循青羊水行

崎嶇行不盡九曲比羊腸人與水爭路山逼天少光林
深衣盡綠秋近麥纔黃物候南中異能無念故鄉

山坡
方割
麥道旁
賣杏

憶草堂祠梅

前月宴秋屏傳太守蓓蕾
滿樹擬開時來遊不果

村老棲遲地疎梅破蕊新乍逢欣命酒人別似懷人玉

笛寒風裊湘娥夜月嘯應知修竹外逸態出風塵

閒居

遠遊辭故國暫住卽吾廬醜石苔生後閒庭木落餘買
花呼婢灌得句命兒書門外稀來客城中似隱居

書懷

悔不攜家累同來共歲寒荒年愁米貴遠道得書難作
客偏多債無才望補官閉門蕭寂甚還取舊書觀

出郭

新春朝出郭霽色豁平原蠶豆綠盈畝菜花黃遍村泥
塗愁道路竹樹喜林園萬里家山隔風光莫共論

靜坐

閒窗時靜坐微雨客來稀
詩苦遲晨飯身輕減絮衣
才原居下下想敢入非非
淡泊平生志從知與世違

蜀都

地險重關鎖天臨萬岫低
烟雲諸葛壘水竹浣花溪
有命何勞卜無詩可共題
家園兄弟隔北望益淒迷
名都天下壯井絡應星辰
舟楫東連楚風烟北鄣秦
青山千里道綠野四時春
撫字應關慮常懷叱馭人

鄂都

丙申

面水灘聲壯依山地勢雄
城分巴子國邑爲巴子別都宅是夏

王宮

居禹王宮
花石清幽

臨政慚才拙詢民喜歲豐居然休戚共

夾道走兒童

以事入山每得幽景

羣峯如簇筍濃翠撲衣襟曲磴穿雲細流泉入澗深道
途增暑氣松竹靜塵心登頓何辭險披榛且細吟

雨後

一雨驅炎暑蕭然院宇涼時花爭豔豔遠岫列蒼蒼詩
少慚才盡庭閒覺日長不知鄉僻處秔稻幾家忙

微雨

微雨催征騎猶聞旅店雞泉聲奔壑猛雲氣壓山低秔

稻豐年足松篁野徑迷暫欣離案牘流覽徧東西

復入北山

漸造無人境從前路已經溪聲因雨壯山色入雲青野
卉花輕豔崩崖穴杳冥不知深隱處若箇結茅亭

與小泉夜話

小泉署塾江
以事經過

不意今朝見深宵語不休爲官乖本志謀食乏良謀濟
上人重憶前在濟南共
至旭村處談川東跡偶畱明朝分袂處不得
共仙舟

復由埤山壩早行

曉起征衣溼行行記舊遊白雲前渡雨紅葉四山秋林

際猶籠霧溪邊又覓舟平都仙觀近明日約登樓

金盤寺

又到金盤寺山僧舊有緣
雅松爭撼雨亂水渴奔田
拂壁尋佳句

前任李更生盤及李挹谷謙皆有題句

安心慕古禪鴻泥無爪

印

余未宿此未畱題

小憩且欣然

山行

暫覺山行慣芒鞋看踏泥路穿修竹暗雲截亂松齊空
翠衣含潤蒼茫日欲西誰家茅舍掩聲細有兒啼

北郭武侯祠送客久待未至

丁酉在省寓

曲徑無行迹濃陰覆滿庭
英靈常俎豆水木自園亭
雨

散荷珠白苔粘屐齒青此間堪避暑默坐數蜻蜓
雲影層檐上蟬聲高樹間出城天覺曠對竹意何閒於
此攀歸駕因之念故山出門喧僕馬恥復抗塵顏

與楊纘亭話舊

不料茹冰久顏舒反勝常閤人增感慨報國藉文章以君
調簾晉省縣僻題詩富刑清課士忙與君談別緒倉卒語偏
長

曾到平都頂

山在鄆都予

以去歲至凌雲慕列仙

上有陰王

歸身

還落拓雅意孰纏綿頻有飛鴻信

每以郵

全無夢鹿緣

郊原秋草徧試共眺蒼烟

前以秋草

四首奉寄

齊魯來遊客晨星寥落餘飄零王粲賦寂寞子雲居所

居云係揚子故宅後有洗墨池邊事悲戎馬馬邊夷匪滋擾閒身笑蠹魚唱酬

欣有伴得句或貽予

秋至偏生感涼風動薜蘿浮沈知命定閱歷愧君多杜
宇聲驚枕芙蓉豔照波江山隨處好適意且婆娑

謁少陵祠

稷契平生志誰當拔隱淪鬚眉留古色天地老吟身悲
世能無淚依人未救貧草堂松竹在寂寞浣花濱

懷薇堂四弟

每憶東遊日同舟興倍豪烟巒新耳目風雨亂波濤近

市嘗鮮果開窗命濁醪鄉關雲樹隔北望首頻搔

半途書札寄深喜報平安

自西安寄書來

再試秦關險纔離蜀

道難黃河天上落華嶽雨中看車馬從茲去

自北而南至此換轎

自南而北至此換車

春風漸退寒

輿夫傳口語聞汝近家鄉

輿夫自東昌見四弟

作客形容瘦騎驢

道路長

云車夫病易驢而行

行時煎百慮到日剩空囊

臨行旅費艱難若

問蓉城信爲云健勝常

無麥嗟懸磬無禾更奈何

東省麥不收五月猶未得雨

全家生計少

遠地客愁多荒旱連西晉戎兵經大峩

蜀中夷匪滋擾

無窮家

國慮獨坐且吟哦

感事

大帥方持重

張鎮請兵議剿

夷情太獗張多分兵力薄采入國

威揚寇扼重山險軍攜累月糧蠻烟愁瘴癘刻日奠封

疆

紛紜山徑雜何處塞泥丸

地綿千里此防彼出

土著團猶易屯兵

馭正難

故金川地屯兵最勇悍

羽書催絡繹苗獠敢盤桓慷慨從

戎客爭允跨鐵鞍

地勢連三楚江流界滇南

金沙江外卽雲南境

虎隅真自負蟻穴

孰能探欲悉軍中苦難憑紙上談吾曹慙素食雨後看

晴嵐

劫掠成天性頻年負國恩
逋逃藏巨厯出沒類游魂
筮鼓秋風急旌旗白日昏
紛紛夷種聚殲滅洗煩冤

登塔

在東門外張獻忠拆後復修

萬瓦浮青靄清江抱郭流
登臨騁遠望浩蕩豁煩憂
有客懷鄉土鄉人將歸無花當酒籌
雲烟頻指點飛雁落沙洲

紀事

陰風旗慘淡雨雪凍深山
立馬層雲上謝太尊登涼山盡見番夷部落
驅羊萬壑間奪夷人牛羊千餘
軍聲聯眾將殺氣暗邊關
盼捷心勞从何時奏凱還

鉦鼓

鉦鼓何時息將軍旆未旋霧迷千里道雪暗百蠻天狡
寇深林匿餘民故里遷

夷匪獻出難民

驅山誰有術擬將海平

填

夷匪恃深山爲巢

懷大兄顯亭

自幼饒天性多方得母憐辛勤護諸弟貧窘到衰年萬
里悲分手空函勸仔肩

春帶信歸無銀可寄

何堪雙目廢生趣更

蕭然

重慶道中

以下榮昌

細雨盤旋上蒼崖入杳冥秋深千澗紫雨後萬峯青竹
影圍孤寺炊烟起遠汀行行幽趣愜何必嘆勞形

出重慶宿白市驛

連日濛濛雨千山霧氣中泉鳴窺澗黑村遠認燈紅得
句先存腹沾醪急命僮乾坤皆逆旅到處息吾躬

憶南賓

猶憶南賓縣輕舟十日程平都頻載酒鷓鴣館未聞鶯

署中

有聽鷓鴣館樹色秋烘嶂江聲夜撼城仙風吹不到何處問棋
杯閣上有陰王二真君圍棋象

前往北鄉有作

衙中繁案牘出郭覺清涼綠竹隨溪遠青山夾道長村
烟看繚繞水鳥自飛翔淨土寺名閒遊遍歸來趁夕陽

往高橋里緣田間小路

迴環緣曲徑輿馬幾難通
遠嶺水田白幽厓霜葉紅
雲開欣日暖雨足驗年豐
客路無嫌僻山花滿路中

不寐

燈影寒無寐迢迢夜漏沈
秋風騷客怨微雨故鄉心
海右霜天杳川東雪鬢侵
生平多缺陷倚枕幾回吟

往北鄉

竹密疑無路泉流忽有聲
烟林時出沒巖岫有逢迎
路愁新雨斜陽愛晚晴
田園多雅趣吾亦願歸耕

喜鄉人至

到此殊非易迢迢歷雪霜聞君鄉語喜怪我髣毛蒼巴
蜀頻戎馬青徐屢旱蝗平安欣有信剪燭話方長

出城

雲捲長空淨初晴愜客心穿橋泉活活夾路竹森森田
草綠縈帶菜花黃散金不知冬將盡景物似春深

早行

漏寂雞猶唱肩輿早起行殘星明遠水落日掛荒城路
暗山疑壓神昏夢欲成歸來天未暮且喜夕陽晴

曉起

淫霖連日夜曉起喜雲開後院滋新竹鄰牆滿綠苔天

心工變幻人事費疑猜欲返蓉城駕與夫問幾回

秋夜

涼颼夜未休萬樹響颼颼露氣寒侵枕蛩聲亂聒秋空
江籠寂寞遠道信沈浮無限天涯感鏡昏結蕊稠

聞山左秋收甚豐

連歲蝗兼旱窮黎果腹艱家書勞望眼聖德感皇天
皇上躬親祈雨為直東互早不慮糟糠窄應欣婦子全民風淳樸火
渤海樂耕田

贈書碩農

防邊兩度勞兩署越傳文士有英豪身歷山川險詩驚氣竹

高名場心已淡宦海首頻搔不盡天涯感江聲湧怒濤

送楊纘亭入覲

莫厭貧官况朝天路未窮琴書千里外雨雪亂山中青

社鄉風古

君便道
回東

蓉城客夢通明春來緩緩翦燭一杯

同

成都

自昔稱雄富滄桑劫屢過城寬塵市密人眾阨窮多珍

物通蠻貨鄉風雜楚歌

湖廣人
最多

頻年愁米貴近喜雨滂

沲

閒居

萬

蜀 草

卷三 五言律

十一

幽鳥鳴檐際浮雲往復還檢書尋好友閉戶卽深山晝
永人多倦苔深石盡斑錦城遊宦地有客獨能閒

喜四弟薇堂至蜀

汝來真意外辛苦更攜妻入眼驚新故

薇堂斷絃續娶

喧堂雜

笑啼三年秦棧隔萬里蜀雲低較昔容顏壯何妨醉似

泥弟嗜酒回里時瘦弱今精神勝昔

途閒

以下新津

秋至猶餘熱行人午未休稻黃曦影淡林密鳥聲幽高
塔閒雲護孤花老樹畱錦城塵市潤野外足鉤畱

秋夜

秋夜寒無寐殘燈照客心微蟲猶唧唧小雨復悒悒不
盡蒼茫意聊爲感慨吟平生原拙宦口髮苦相侵

自新津至雙流途中得句久未記茲錄之

秧深秀欲齊沙路淨無泥流水隨人急幽禽隱樹啼烟
中孤塔白雲外遠山低迴首新津隔蒼蒼望轉迷

江行赴興文

萬古此江流蒼茫白露秋青林夾岸直遠雁帶雲浮天
遠容孤宦風烟黯小洲黃昏舟暫泊沙際起清謳

乾柏樹

村有古柏故名

一葉危灘上全家性命輕

昔家口白鄴都至此禪斷甚危

浮蹤如電影

古樹憶村名日暮雲霞亂天寒水石清今宵團聚好
鐙
火夜深明

絳州

簇簇人烟密雙流抱郭雄高峯瞻塔迥野火隔江紅
絳
永羣蠻雜夔巫一線通向晨催早發還祈借東風

入山

山深日影斜薄霧幾層遮高下田閒水飄蕭原上花
觀
苗知瘠土訪俗念貧家歸路愁昏黑林間噪晚鴉

往梅橋壩

時在十
二月半

纔過小橋窄沿坡一徑斜松林迷白霧麥隴散黃花
秀

拔山如削曠曠日未遮遙憐疎竹裏茅屋兩三家

早行

往紱州

涼氣侵衣袂星稀已向晨
流泉清似筑孤塔立如人
高下山無數晴明氣漸新
炊烟飄縷縷茅屋幾家春

舟行

溼霧濛濛裏舟居似小亭
山雲含雨重隴麥映波青
樹老欹荒寺沙浮認舊汀
行人殊未息宇宙本勞形

宿沙河驛

又來休旅館燈火漫紛紜
雲氣空山滿江聲靜夜聞
蠻方纔息甲海國又徵軍
寥落天涯感孤懷酒半醺

聞兩湖總制周敬修罕問

嫉惡剛腸在孤忠志不磨危身今至此報國竟如何自請

提兵往廣東軍營楚水芳蘭歇春風杜宇多君恩天浩蕩畫

壁未須呵

叢冢

芳草年年合高低共一邱苔荒碑半仆雨溼紙還留難辨何方鬼空含萬古愁誰憐官道側月黑叫鴉鷄

山雲

四面雲爭起羣飛漫眾崗與徒迷向背世界入鴻荒流水微聞響朝曦未露光米家濃潑墨畫意可參詳

卽目

境僻疑初到灣環曲似腸山頑因竹媚水急似人忙幽
壑潛蛟住深林野魅藏今宵何處宿茅店隔重崗

宵行

睡覺呼童起聽雞已放行穿雲千嶂黑渡水一鐙明細
雨飛無迹懸流怒有聲昨宵曾宿處重過亦多情

山行

仄徑沿山轉泉聲耳畔過春花明似雪田界旋如螺谷
裏人家少烟中竹樹多奇峯迎面起作勢鬱嵯峨

歸途

山雜暮雲蒼飛禽帶夕陽興隨流水急路遶菜花香野
店三間小危橋一木長蓬頭貧婦至負炭正傍徨

興文

何年初置縣縣似數家村市小長無米山深每叫猿詩
書閒案牘蔬筍供盤殮獨幸昇平人閭閻靖不煩

凌曉

凌曉炎蒸卻憑高望遠明

署在山頂

樹濃連雨暗山亂與雲

平鳥有親人意棋聞落子聲得閒良不惡草草一詩成

長寧道中

雲散千峯白烟藏萬木深行人猶帶雨古塔偶鳴禽問

波踏蒼蘚穿林息綠陰故人應佇望促膝待談心

忠州
昨寄

信
至

泉聲聞幾處蒼藹香難分孤店斜依澗前途細入雲客
懷殊落落萬物自欣欣每遇忘機叟相隨鹿豕羣

途中

驛路多逢雨深山偶噪蟬花明堆似繡水遠碧如烟搜
句無嫌苦遊觀自是仙衙齋知不遠暫息亦陶然

早起

晨起立庭前庭花豔欲然露懸蛛網重風弱柳絲偏小
室開三面遙山露一拳建茶如潑乳活火婢新煎

喜捷

王者師無戰乘時各建功
習流須壯士縱火借雄風
助順深蒙眷同仇各効忠
通商來市舶魏絳議和戎

往長寧縣

輿僕忽忽發迎風怯曉涼
亂山雲氣合萬樹雨聲忙
閱日驅殘暑閒行歷僻鄉
途中蕭灑甚遇客話農桑

卽事

雨霽羣山出風柔野水平
踏泥嫌路滑卸篆覺身輕
安得行蹤定無端歲月更
明朝烟水闊又到敘州城

乘小舟

行四
十里

心喜覓輕舟，翩然湖上流。坐看山態活，靜愛水聲幽。迎
面依依樹，隨人泛泛鷗。執書聊假寐，僕從亦優游。

山行

行到無人境，蒼山夾碧流。雲低隨馬足，樹怪壓人頭。陡
覺春衣冷，全將霧氣收。晚風催落日，心急未淹留。

采芑雜咏

蓮葉隨風捲，荷錢貼水平。亭開羅筆墨，客至鬥棋枰。永
日人多倦，晴天眼倍明。隔牆烟際寺，孤磬一聲清。

眼看春歸去，畱春亦太癡。花飛無蝶戀，樹茂有鶯知。案
牘豪情減，音書遠道遲。撫絲聊自喜，朗朗讀書時。

城郭蒼茫裏 炊烟數百家 岡巒叢廟宇 竹樹繞官衙

晉後

岡陵起伏環 抱上多廟闢 地栽秋菊如鸞長 木瓜誰言吾作吏 農

圃舊生涯

前哲誰能繼 晁公武陸放翁均宦此 風烟自古留 廊虛堪受月 池

小不容舟有夢游 三島無心羨八驕 人生聊適意 戴屋

看蝸牛

聞道風淳日人稀 地畝寬於今多盜賊 在我愧衣冠 法

吏操三尺貧民阨 一餐版圖逾百里 夙夜未遑安

幸免衝途苦 前兩任衝縣夫馬最煩 徵求亦易充 山川自平遠 花

木喜蒙茸補拙才 原薄論文友許同 相安無事好 惟有

祝年豐

鹽井稱雄富民好亦易藏殷繁連劇邑捆載入蠻鄉舊
日藩封壯 熙朝 聖澤長憑高瞻望入雲氣自飛揚
團團欣骨肉食指動盈千入饌河魚賤登盆錦石圓鄉
風思北海遊跡記東川辛苦平生事浮沈六十年

感事

聞道天津戍外設防兵番夷又進船神京煩擁護海口起腥
羶黑白多新鬼白夷黑夷俱稱鬼波濤沒遶天誰寬 宵旰慮

大府糜金錢

發餉三十萬

鼓角連東郡

山東青萊登三府防海

妖氛暗北溟雲山勞望眼蛟

萬 蜀 草

卷三五 言律

讎恨無靈壯士同悲憤中朝失典型

王中堂鼎故
湯金釧告歸西南

留滯處搔首蜀天青

帝德無中外蒼生困剪屠嚴疆屢聖慮狂寇待天誅戎
馬長屯越烽烟已到吳何人思報國奮臂一長呼

萬里何飄忽滄波下瀨船領兵非一帥籌餉已經年主

國惟憑女

曠夷係
女王

彎弓敢射天華夷疆域定切莫犯幽

燕

絡繹軍符急

皇威集勁兵

調察哈爾蒙古兵二千往
天津川陝各調兵一千往

安徽侵邊同日本習戰比昆明

湖北四川產木
俱造戰船備用

將帥貪功

意蒸黎避亂情漢家秋月朗莫照敵人營

節鉞承恩日遘征未敢安

浙撫劉玉坡先生韻珂被命時已抱病

憂時雙

鬢白

到浙未久鬚髮變矣

許國寸心丹將印天潢握

奕將軍爲大帥

微躬

法網寬

重地失守僅予降革

何時齊奏凱四海靖波瀾

偶作

秋至猶餘熱秋光已洒然泉聲聽雨後竹影看風前
道院移花小涼亭貯月圓近來詩興淺累日不成篇

晚行

一別嘉陵水艱難百里程秋深千樹色月冷萬蟲聲
已困連朝雨還欣驛路晴闔家懸望眼未悉旅人情

出行

曉霧起微茫，河流一線黃。冬溫新麥長，歲暮亂山荒。作
吏無良策，懷人憶故鄉。出城聊送目，沿路足徜徉。

過井研傷孔秩如曲阜人官資州州判曾代辦此

縣

攝令曾來此淒涼，玉樹摧微官。猶短命百里，豈無才思升

縣未得萊旅館空相憶，春雲鬱不開。招魂愁縮地，魯國有蒿

懷馬子琴

不見談詩客，豪情憶往年。蕭條虛歲月，險阻隔山川。老
去狂名減，生前秀句傳。何當重把臂，笑語俟歸田。

偶咏

雲際烟鬟出林邊
村路斜西風紛落葉
微雨溼黃花
偶值騎牛豎問詢
賣酒家行行聊適意
未覺負年華

夜雨

一夜瀟瀟雨牀頭
漏不乾天時誰料得
宦况久知難
竹影燈花亂
嘶聲僕夢酣
明晨趨遠道
若箇怯衣單

塗中口號

蓋日走泥中
千山霧氣蒙
迎春惟細雨
送客是和風
疎竹幾行翠
夭桃何處紅
川中桃花除或有開者
我生自擾擾
汗漫

任西東

早行

霧障千山暗林深一火明仰天無月影出郭有雞聲吏
事難辭倦人生各有營行行多負擔冒冷亦宵征

宿雙古墳用前韻

客館旅懷清斜陽入眼明開窗觀野色敲枕聽泉聲簫
鼓昇平樂盤餐倉卒營忽忽別曾住帶露更宵征

冒雨山行沿路口號

細雨濛濛路黃花寂寂春晴目紫花澆田多蓄水挑菜未逢
人山際烟猶溼溪邊樹漸新流泉隨處響更足滌心神

懷韓百木

少壯飛騰意同驚白髮侵江天遊子夢風雨故園心
托塵中足誰知爨下音青山伸素約攜酒更相尋

有感

春色年年負春光處處新
倏經三月暮仍是異鄉身
墜地花無數浮波鴨正馴
賞心今古似滄海未揚塵

蟲聲

空庭留月色風露倍淒清
不盡纏綿意微聞斷續聲
入冬懷怨思物豈不平
鳴砧杵遙相和誰家夢未成

宿古墳場

野店重來憩秋風滿院生
臨軒觀水態倚枕聽蟲鳴
白

髮懷鄉感青鐙旅店情微寒宵不寐柝響已三更

回署

聊當尋春去輿中閱歲華清香桐破蕊新綠稻抽芽
穴石雕神像臨流轉水車叢篁低映處茅屋是誰家

一徑入松林青光染客襟空山微雨過古澗落花深
笠影遙相識禽聲杳莫尋誰知疲道路亦復淨塵心

出城行金花殿

一百二十里

百里嚴程急吾生亦太勞未晨排火燭小隊肅弓刀
落月疎林暗荒雞野店號何人蝸舍裏穩睡日升高

烟嵐迴抱處一徑入青冥樹色濃深澗禽鳴冷翠屏
水

田高過屋村婦健于丁喜值昇平際農歌月下聽

謁何申畚夫子於別墅

卸榮昌象
後補入

修竹多臨水新松半繞堂雲鷺生戶牖露看溼衣裳勝
地真堪隱高人那得忙今宵親几丈自愧是荒莊

古道難偕俗居官志未伸

夫子古道自
處仕未甚達

白華方就養血

淚已沾巾

夫子自南康
歸時方讀禮

奕世傳清白回頭閱苦辛侍僮

頻翦燭絮語及明晨

題畫二首

萬壘青山曲奔流吼怒雷有亭臨陡澗無屐破蒼苔樹
古精靈聚雲深樵牧猜從來天下士抱膝在蒿萊

豁達天開處，憑欄眼界明。林因經雨潤，泉喜出山清。摩詰禪中味，倪迂世外情。藏胸邱壑壑，滿落墨氣崢嶸。

里中人至

培祿弟准姪
孫表弟繼修

萬里崎嶇路，奔崩困若何。黃河雲外轉，華嶽雪中過。客况愁薪米，家園憶薜蘿。初經雲棧險，幾處夜猿多。

面目驚初見，鄉音喜盡同。

准姪孫表弟
在家時未見

居官吾不易，入

世爾何功。心怯風霜苦，身穿虎豹叢。人生當自立，慎莫

厭途窮。

弟病羣環榻，連宵絮語親。弱軀思返里，遠道最懷人。追憶先型舊，傳聞瑣事新。阿連衣帶減，相顧共酸辛。

一痛嗟長別相關骨肉悲

眾來未久四弟遽歿

撫棺還憶昨握手

更同誰異地多新鬼

袁內兄及弟多卒

鄉書感故知

得張東序書四弟讀

之

此來真不負翁及笑言時

送姪孫歸里

頻經喚汝去遠道獨行難

兄前寄書命歸未果

故里天南隔千峯

劍外攢侶多聊結伴年少慎加餐遙計還轅早春風日

暮寒

入里驚相問應知老淚垂

大兄前未知四弟病歿

衰年多臥病斷

腸不勝悲但道吾猶健猶憐汝未肥挑鐙宵共話屈指

數歸期

兄來書約回里

間道荒園裏牆傾老木疏此生多落漠萬事有乘除修
葺三間屋珍藏數卷書兄衰惟汝仗勤苦念蓄畬

難得他鄉聚頻年恨事多死生悲骨肉南北阻關河兩
地身安寄孤生志易磨姪孫早大怙恃室家成立後鴻信莫蹉

跼歸卽
滅婚

感事

壬寅作
補錄

已共長江險南來警信頻封侯空有賞報國竟何人運
道憂中阻奸徒向外親普天同髮指感憤不能伸

命帥天潢出專征統六師

楊威定遠兩
將軍皆宗室

軍民同仰望家

國藉扶持海徼名城陷

神京捷報遲三年勞

聖慮

何日戮鯨鯢

先聲驚草木未戰苦崩奔養士君恩重臨危大義存

關漢首密總
制皆衙難

江干聞野哭海澨聚忠魂太息承平久風

悲鼓角喧

萬里君門遠臨機費運籌羊亡牢待補灘潰毒難收深
嘅沙蟲化權將貨貝酬和戎非本計聊欲解煩憂

君親無可報反噬更何心

聞有身列高科
甘爲賊用者

溪壑填難滿

夷人變
求甚會 清坦寇已深涵容天廣大焚掠氣蕭森嗟爾三
軍壯應懷慕義忱

勝負無常勢 朝廷法令明封疆誰寄託寇盜爾縱橫

屬 蜀 草

卷三 五言律

三

嚴詔難寬罪

定兩將軍參贊罪

仁心小厭兵奇才生有日父

老望昇平

蕭憲徐公前九年夢之

帝所擇息海氛之人引一少年偉人至或應運而出傳言如此

未知

讀蠡勺詩集懷楊纘亭

詩在戎邊作

身歷邊風苦高懷鬱不開蠻夷工伺隙父老屢逢災蜀
魄啼殘夜青憐聚劫灰書生思報國慷慨有餘哀

黑骨相雄長深山不易防縛人營外急籌賞署中忙野
戍蒼烟合孤城白日荒詩懷增激烈意氣忽飛揚

雨雪入邊山烽連萬壑間夷頑真勁敵城小作雄關溪

洞羣奸聚

漢奸多亡入夷巢

沙場匹馬還不堪焚掠後野竹淚

痕斑

淳樸如君少冲和更吾師宦途經坎坷詩句獨雄奇畫
梅懷前度聯舟赴嘉定己八年矣自是未相見青鐙感故知巴山連夜雨
兩地各相思

宿蓮花寺

望望蓮花寺行來日欲斜階前多種秫田畔亦栽瓜客
倦分僧榻窗明看野花五更鐘鼓動起視斗西斜

銷夏

熱甚作
此自遣

何處堪消夏徘徊坐竹邊翠交三徑蘚綠積一庭烟籜
敲涼生袂蕭蕭韻入絃吟詩懷玉局寒碧有遺篇

何處堪消夏閒遊到水涯凌波紅躍鯉解渴綠浮瓜露
滴荷盤潤風吹柳線斜共呼涼月上笛韻起漁家

何處堪消夏青山古寺深風高清入耳嵐溼翠盈襟積
雪畱巖竇飛雲落殿陰仙人何處訪幽洞坐鳴琴

何處堪消夏松陰意爽然濤聲空際水鶴夢靜中禪待
月還畱夜聞風似欲仙羲皇知不遠且枕石頭眠

何處堪消夏仙人好住樓開窗風浩浩卷幔月悠悠身
立紅塵外欄憑綠樹頭笑他居下界揮汗正煩憂

何處堪消夏田間築小亭千層山疊翠四望野浮青竹
葉杯中泛鷗歌柳外聽輕雷何處發天末雨冥冥

與高伯鵬夜話

共話巴山雨來經蜀道難故家聞廢墜好友半單寒風
雪懷前夢行時十月逢雪江湖得大觀經湖北萍蹤何處定永夕

且盤桓

登凝翠樓有感

樓爲四弟薇堂所建自出新意與知稼亭聯外
收諸景內盡一園樓成未久薇堂病歿

滿目傷心綠何堪又上樓笑顏空寂寞杯酒幾勾留粘
壁詩猶在依牆竹似愁爲余消暑建夏日與誰遊

送培祿弟還里

炎風吹未息一雨變秋涼此去身無累相憐髻有霜蜀
雲迷遠道海月照輕裝閱歷人情久他鄉異故鄉

出成都

人海奔忙甚歸途景物閒天光常在水雲氣竟無山綴
石秋花豔投林野鳥還眼前怡我性得失漫相關

卽目

碧竹夾江流蒼茫接素秋雲開欣曠渺雨後足清幽茅
店千絲柳蘆花一葉舟襟懷塵漸滌不必覓滄洲

至成都

未見成都郭陵空白塔孤一江通楚蜀千里下夔巫形

勢稱天府火烟壯蜀都五年增感慨遊跡半荒蕪

除日

白髮青燈夜天涯逼歲除屠蘇邀稚子鴻雁少來書

家

人無

信 妻病猶強飯兒癡未荷鋤不知冰雪裏何計葺茅

廬

歲月堂堂去川南又滯留青山非故國白雪憶高樓原
上梅花發雲間雪意浮十年遊宦懶誰復識今吾

漫興

登臨常郭外遊覽亦園中紅葉雨中樹黃花霜後風尋
詩來舊侶望信盼歸鴻歲序忽忽逝還欣酒不空

喜姪永濟自山東來

頻年離恨積一夕忽言歡骨肉他鄉聚風霜蜀道難先
人留儉樸吾道本酸寒勿棄詩書訓旁人冷眼看

絮語未能刪從知世路艱新交餘白眼故國夢青山榮
辱浮雲外興衰轉瞬間惟添遊興好秦蜀歷雄關

汝伯年遲暮還能健飯無辛勤承世業歡笑聚妻孥野
菜常新摘香醪莫懶沾何時同坐卧白首共喧呼

後起丁男少鸞膠各續絃諸姪子一歲盡天茅廬還舊

業余買呂姓宅
係吾家所建石硯是良田作吏憐余老承家覺汝賢

連宵頻剪燭情話記西川

途中

晨驚雨意涼雲未漏曦光流水背人去野花隨地香峯
高看雁度竹密有村藏我似朝峩客匆匆逐隊忙

永棋姪到榮知心如顯亭二兄皆健喜而作此

聞道精神健開緘樂不支晚年憑兒女

兩兄皆
佳子弟

遠路想

鬚眉啜菽貧非病銜杯興未衰天邊鴻雁影相聚是何

時